

LIGJ
Nr.10 146, datë 28.9.2009

**PËR DISA SHTESA E NDRYSHIME NË LIGJIN NR.9632, DATË 30.10.2006 “PËR
SISTEMIN E TAKSAVE VENDORE”, TË NDRYSHUAR**

Në mbështetje të neneve 78, 83 pika 1 dhe 155 të Kushtetutës, me propozimin e Këshillit të Ministrave,

KUVENDI
I REPUBLIKËS SË SHQIPËRISË

VENDOSI:

Në ligjin nr.9632, datë 30.10.2006 “Për sistemin e taksave vendore”, të ndryshuar, bëhen këto shtesa e ndryshime:

Neni 1

Në fund të nenit 24 shtohet një paragraf me këtë përmbajtje:

“Zyrat e regjistrimit të pasurisë së paluajtshme nuk bëjnë regjistrimin apo çregjistrimin e pasurisë së paluajtshme, ndërtesë apo tokë bujqësore, nëse dokumentacioni i vërtetimit të pronësisë nuk shoqërohet edhe me vërtetimin e bashkisë apo komunës, i cili konfirmon pagesën e taksave respektive që nga data e hyrjes në fuqi të këtij ligji.”.

Neni 2

Në nenin 27, pas pikës 2 shtohet pika 2/1 me këtë përmbajtje:

“2/1. Për ndërtesat, të cilat janë në proces legalizimi, taksa e ndikimit në infrastrukturë e ndërtimeve të reja është 0,5 për qind e vlerës së investimit.”.

Neni 3

Në nenin 32 pika 1, shkronja “b” shfuqizohet.

Neni 4

Pas nenit 32 shtohet neni 32/1 me këtë përmbajtje:

“Neni 32/1
Taksa e tabelës

Kategoritë e bazës së taksës së tabelës dhe niveli i tyre jepen në ankesin nr.7, që i bashkëlidhet këtij ligji.”.

Neni 5

Ky ligj hyn në fuqi 15 ditë pas botimit në Fletoren Zyrtare.

**Shpallur me dekretin nr.6281, datë 7.10.2009 të Presidentit të Republikës së Shqipërisë,
Bamir Topi**

Aneksi 7. Taksa e tabelës

Kategoritë	Niveli i taksës
a) Tabelë për qëllime identifikimi	120 lekë/vit
b) Tabelë për qëllime reklamimi, të thjeshta dhe elektronike: i) Për Bashkinë e Tiranës ii) Për bashkitë qendër qarku iii) Për bashkitë e tjera dhe komunat	45 000 lekë/m ² /vit 22 500 lekë/m ² /vit 13 500 lekë/m ² /vit
c) Tabelë në funksion të ekspozimeve të ndryshme të hapura, panairë, spektakle, stenda reklamuese, banderola etj.	1 000 lekë/m ² /ditë